



JOURNAU POUPULARI DE LITERATURO, D'ARTS E DE SCIENCI
PAREISSÈNT TOUTEI LEI QUINZANS

Se vènde pertout. Depausitari majourau pèr Marseiho: J. VINET, kiosque 17, à la Plano.

Abounamen :
3 fr. e miè pèr an pèr touto la França.
Fouero França, lou port en subre, ço
que revèn à 5 fr.

Tout ço que toco lou journau dèn
èstre manda afranqui à l'Empremariè
Prouvençalo, 15, carrièro d'ou Grand-
Relògi, à-z-Ais.

Lei plé noun afranqui saran refusa.
Leis article noun inseri saran pas
rendu.

ASSABÉ

Pregan nouèsteis abouna en retard de bèn vou-
gué nous manda au mai lèu sei tres franc e miè,
siegue en timbre, siegue en mandat-poustau.

Pregan perèu lei depausitari d'ou BRIS de
nous manda sei reglamen de comte pèr la fin d'ou
mes.

TAULETO

- PASSO-TÈMS. — L'abat Camoin (acabado). — V.
Lieutaud.
- POUSIO. — Chant dous Felibres daufinens
- REMEMBRANÇO. — D'ou 13 au 26 de Juliet. — L.
A. Gardaire.
- CROUNICO. — L'Aubejado sanjanenco. — Lei fèsto
de Florian. — L'Escolo Daufinalo. — *La Reda-
cien.* — Discours d'En V. Lieutaud.
- REVIRAMEN. — Du mérite personnel. — *Tira de
De La Bruyère.*
- SCIENCI. — Botanico (*finido*). — *Zèno.* — Filou-
lougio. — Epigrafito roumano. — *J. Fino.*
- QUESTIOUN OURTOUGRAFICO. — Mai lou Ç. — G.
Rainol.
- BIBLIOGRAFIO.
- LOU PEDOUN.
- TEATRE PROUVENÇAU. — Tres galino pèr un gau.
— *M. Bourrelly.*
- FUEIETOUN. — La Chato di pèu d'or. — *Magali.*

PASSO-TÈMS

L'ABAT CAMOIN.

(Acabado.)

Gagnavo tant gaire, lou paure mesquin e avié
tant hono maisso ! — E pièi èro tant brave, aquèu

perlet d'abat, pèr li droulet, li drole e li droulas,
pèr li chatouneto, li chatouno e li chato. E pièi,
vejam ! francamen, quau se pourrié teni, en terro
de Prouvenço, davans li prefum d'un gigot, la dau-
raduro de la bouïabaisso, la souplesso di paquet de
la Poumo, l'òdour d'uno boutargo, li merite d'un
lapin vo d'uno gardiano bèn tendro e subretout
lou goust ambrousian de la bourrido marsi-
heso ? Fourrié estre un francihot... e encaro !

Lou plus marri èro quand, d'asard, capitavo un
dina aperiçau, so que arrivo mai souvènt qu'à
soun tour encò de nòsti brave pèd-terrous. Es
egau ! s'entaulavo quand meme e m'an jamai
pouscu dire s'èro pèr se paga un repas sus la bar-
bo de Pian, o pèr pas faire peno au paure mounde.

— Brave moussu l'abat, ie venien, vous envi-
tariam bèn, mai vè ! avem un tant marri gousta !

— O bèn ! alòrs sara pèr un autre cop. Mai de
qu'avès, se siéu pas trop curiéu ?

— Just qu'auquis òulivo à l'òli :

— D'òulivo ! d'aquéli bonis òulivo d'ou Baucet !
mai badinas ; lis ame qu'es pas de dire ! — d'òu-
livo ! e à l'òli ! o bóni gent ! si qu'acò es un bon vi-
èure e de mis apeti !

E zòu vaqui moun abat que sourtié soun coute-
loun, e cado fes que lou toubavo dins lou platet
erias segur de n'ie'n veire leva uno à la pouncho
de la lamo e d'aquí lèu que l'enfournavo ounte
sabès.

Un autre vòuto :

— Vous diriam bèn, brave moussu, de manja
un moucèu emé nautre mai vè n'avem pas grand
causo de bon.